

Na osnovu čl. 4.2, 4.7. i 7. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02 i 13/03), člana 33. Poslovnika o radu Državne regulatorne komisije za električnu energiju (“Službeni glasnik BiH”, broj 2/05) i člana 29. Pravilnika o licencama (“Službeni glasnik BiH”, broj 38/05), na sjednici Državne regulatorne komisije za električnu energiju, održanoj 24. juna 2009. godine, donijeta je

ODLUKA
O IZMJENAMA USLOVA ZA KORIŠTENJE LICENCE
ZA OBAVLJANJE DJELATNOSTI PRENOSA ELEKTRIČNE ENERGIJE

Član 1.

U Uslovima za korištenje licence za obavljanje djelatnosti prenosa električne energije koji čine sastavni dio Licence broj 05-28-323-16/06, dodijeljene Odlukom Državne regulatorne komisije za električnu energiju (“Službeni glasnik BiH”, broj 54/07), tačka 3.23 mijenja se i glasi:

“Vlasnik licence svake godine izrađuje dugoročni plan razvoja prenosne mreže za period od 10 godina, koji obuhvata i problematiku novih prekograničnih vodova. Ovaj plan se dostavlja NOS-u BiH na pregled, odobrenje i direktnu reviziju. Plan revidovan od strane NOS-a BiH dostavlja se DERK-u na odobrenje, a nakon odobrenja DERK-a objavljuje ga NOS BiH. Indikativni plan razvoja proizvodnje koristi se kao jedna od osnova za izradu dugoročnog plana razvoja prenosne mreže.”

U istim Uslovima tačka 3.28 mijenja se i glasi:

“Vlasnik licence je dužan da do kraja februara podnese zahtjev za ažuriranje priloga ove licence sa stanjem na dan 31. decembra prethodne godine, ukoliko je došlo do izmjene njihovog sadržaja. Uz zahtjev za ažuriranje prilaže se upotrebna dozvola sa pratećom dokumentacijom, kao i ažurirana mapa elektroenergetskog sistema. O svim izmjenama vlasnik licence obavještava DERK i u vrijeme nastanka izmjene.”

Član 2.

Ova odluka stupa na snagu danom donošenja, a prečišćeni tekst Uslova za korištenje licence za obavljanje djelatnosti prenosa električne energije objaviće se na internet stranici DERK-a.

Broj: 05-28-183-13/09

24. juna 2009. godine

Tuzla

Predsjedavajući Komisije

Nikola PEJIĆ